



Ассаламу аьлайкум, дустал

# ХХЯХХА БАРГЪ

Лакрал райондалул жамятийсса ва сиясийсса кказит

«ЗАРЯ»

Нюжмар

10 февраль

2017 ш.

№ 6

gazetazary@mail.ru

Сайт: zaria-online.ru

## Граждан мюхчаншиврун - 85 шин



Надир ХАСАНОВ, ГО ЧС ва ПБ-лul хьунама специалист.

Граждан мюхчаншиву дуруччаврил кьуллугьрал (ГО) яла хьунмур мурадри халкьуннал оьрму, цIуллу-сагьшиву дуруччаву, иш багьний аьркинсса кумагру баву ва. м.п.

Мунишала гьарца инсаннан кIулну бикIан аьркинссар цува ва цала лагмами балалухьхьун багьан кьабитан аьркиншиву. Балалухьхьун багьсса чIумалгу, гьанавиххи кьавхьуну, иширах бурувгун за кIулну зана -кьулу хьун.

Граждан обороналул жула хIукуматрай гьашину 85 шин хьанахьиссар.

ГО-лул инсаннан цукунсса кумагру байссар учирча, биттур байсса агьанми бигарду укунсар: нигьачIаву дуний ци бан аьркинссарив халкьуннан бувчIин баву, миннуя баян баву, куч бан багьний куч баву, цашала миннал хьус-хьиншивугу, убежишарду баву, противогазру булаву, кьютIшивуртту даву (маскировка), медициналул кумаг баву, пожарду хьун кьадитавриха зузаву, жамятрал низам дуруччачаву, азарду ппив хьун кьаритаву ва цаймигу.

ХьхьичIва -хьхьичI инсантал буруччаврил кьуллугь сакин бувну бур 1932 шинал октябрьданул 4-ний цаппагу гьаваллавасса мюхчаншиву дуруччаврин хасну. Хьундьявилул чIумал мунил хьунисса давуртту дурссар. Мунил кIанттул противоздушная оборона (МПВО) учай. Муния

махь 1961 шинал дурну дур СССР-данул Граждан оборо-на. Мунил агьанми кьайгьурду -убежишарду баву, инсан уруччайсса лахху-ликку, кьай-кьуй даву ва цаймигу давуртту. 1980 шиннардий шала дунияллий ядерный ярагь чIяву хьанан, экономикалуву барурду буллан, Чернобыллал авария хьувкун ва цаймигу захIматсса ишру хьанан бивкIукун 1991 шинал бувссар «Государственный комитет Российской Федерации по делам гражданской обороны, чрезвычайным ситуациям и ликвидации стихийных бедствий» (ГК ЧС России).

Граждан обороналул даву най дуссар «О гражданской обороне» тIисса Аьрасатнал 28-мур закондалин чул бившуну.. ХIакьинусса кьини Республикалий бур РФ-рал МЧС-рал хьунмур управление. Мивун духлай дур гьарца районнайсса отдел-лугу.

ГО ЧС-рал отделданул биттур буллайиссар укунсса масъалартту:

-райондалий ГО ЧС-рал даврий каялушиву дуллалаву;

-захIматсса тагьар хIасул шайхту РД-лул МЧС-рал балапатIру хьун кьабитаврилсса ва

бивсса зараллу бухлаган баврилсса байсса идарартташал зузаву;

-ляличIину захIматсса тагьар хIасул хьун кьадитансса ва миннуя биян бюхьайсса зараллу бюхьайсса кьа чан бансса давуртту сакин даву;

-зарал бивсса иширттаясса материаллу хIадур даву;

-ляличIину захIматсса тагьар хIасул хьусса чIумал ишла дансса арцул, дукиялул, кьай-кьуйлул луртан дишаву ми салкьи даврил ялув бацIаву;

ГО ЧС-райн дагьайсса захIматсса тагьар хIасул хьун кьадитаврицIун ва мукунсса тагьарданул биян бувсса зараллу бухлаган баврин багьайсса хIуччарду аьркиннин цила чIумал биян баву.

Му бакьассагу, отделданул тIайла буккайссар райондалул идарарттай, организациярдай каялушиву дуллалими, шьраваллал администрациярдал бакIчитал, дуккавриха, медициналуху зузими Республикалул ГО ва ЧС-рал хIадур байсса курсирдайн. 2016 шинаву лавгссар 10 инсан. Лакрал райондалул отдел республикалий хьхьичIунминнувах дуссар, республикалул даражаллийсса конкурсрай 3-мур кIану бувгьуссар.

2016 шинал июльданул 1-ний ГьунчIукьатIув, Карашав, КIямашав, Гьуй ва цайми шьраваллавун микI бивчуну кьатрайн бивсса зараллаясса материаллу дартIун, аьркинсса кIанттайн диян дурссар, зарал бивминнан кумагру баншиврун.

## ЦIусса законну ва цайми кьараллал актру

### Медицина

■Законну кьамул дайминнал махь буллунни, январьданул 1-иния гихуннай ттизаманнул технологиярдай байсса медициналул кумаг тIалав бан бигьа хьунтIиссар, мукунма, паччахI-лугьрал арцух дазул кьатIув хьин хьанангу куклушинна дантIиссар, куну.

Цалчинмур масъала шаллу бан кьаст дур багьа булайсса жура даххана дурну. Чарабакьа дайсса медициналул страхованиелул программалувун кьабагьсса ттизаманнул технологиярдай байсса медициналул кумаграх федерациялул медициналул организациярдан арцу дичлан медстрахованиелул Фондраша бюхьантIий бур тIайланна, хьхьичIра кунна, бюджетрайхIин кьадирчуну.

КIилчинмур масъала - дазул кьатIувсса клиникардашал кьутIи даврил масъала бигьа бувну.

■Гьашинунния гихунмай больничный лист ласун бюхьантIиссар электронный журалий.

Мукунсса электронный больничный дуцIин дуллантIиссар медициналул учреждениелий. Мунийсса хIуччарду ябуллантIиссар социальный страхованиелул Фондрал аьмсса базалуву. Му базалува аьркинмур ласун бюхьантIиссар зузалттрашагу, давурттай каялушиву дуллалиминнашагу.

Документ цIакь буллантIиссар хIакинтурал электронный кьулбас дурну. Амма, Дагьустаннайсса шартIру хIисавравун ларсун, ва журалийн най бунува бучIан кьабюхьантIий бур. Цал республикалул Минздравран аьркинну бур больницарду ва поликлиникарду компьютердал ва хасьсса программардал шаллу бан. Му даву дан чIун аьркинни.

Му бакьасса, кьамул дурну дур больничный листирдал хIисав-ккал дайсса цIусса жура (формула). Агар хьхьичI больничныйлух 100% харжирал булун мййра шинал стаж аьркинну бивкIхьурча, утти аьркинну бур чанма-чанну урчIра шин. 2029-мур шинайнин тIурча аьркин хьанантIий бур стажрал 15 шин.

■Январьданул 1-иния гихуннай Аьрасатнаву дуллаий бур ВИЧ-рал инфекция лархьсса кьашайшалтрал федерациялул сияхI (регистр).

Муниву регистрация даву дикIантIий дур хушрайсса. Минздраврал бувчIин бувсса куцшуй, сияхI дачин даврил кумаг бантIий бур ВИЧ-рал кьашавайминная бюхьайсса кьа чIявусса хIуччарду кIул бан, ми цукун хьин буллайиссарив ва давурттал шаллушинна цукунсса дуссарив кIул хьун.

Цахь махь тIурча бюхьантIий бур сияхIрайн лавхьсса гьарца кьашайшалал тIалавшиннах бурувгун, даруртту гьарцаннан цIа куну ласлан.

## ХIурмат бусса кказит буккулт!

«Ххяххабаргъ» кказитрал редакция-лун пикри хьунни Лакрал миллатрал оьрмулуву хьусса агьамсса иширттаясса тарихирттая бусласисса рубрика тIитIин «Тарихру - бивкIмур» тIисса цIанилу.

Вайнну миннува цаппара яла хьхьичIавами: жула эра дайдишин 13-7 азара шинал хьхьичI-сса ариссиянал клинописраву цалчин кIицI лавгун бусса бур Кутмухраясса леги.

Жула эралийр 8-7 аьсрулул хьхьичI сакин хьуну дур Кавказуллал Албания тIисса пачча-хIлугь, цивунгу духлахисса цIана лак ялапар хьанахьисса аьрши.

Жула эралийр 330-327 шинал хьхьичI Александр Македонскийл Кавказнавун поход даву,

ивну ур Серир паччахIлугьрайнгу.

66-65-ку шинну жула эра дучIаннин - римуллал полководец Помпейлул Албаниянавун поход даву.

21-ку шин жула эра дучIаннин -грециянал географ Страбоннул цала давурттаву Кавказуллал Албаниянаву леги ялапар хьанай бушиву кIицI баву.

Жула эралул 79-ку шин - римуллал аьлимчу Плиний Секундлул цала давурттаву леганая кIицI буллалаву.

Жула эралул 120-130 шинну - Кавказуллал Албаниянаву леги ялапар хьанай бушиву Плутархлул тасттикь баву.

Гихунмайгу буссар.

«Лакия» тIисса луттирая.

## Барчаллагъ Дан багъаймургу, ххишалагу дуллай

Ттула дак1нил курт1нива барчаллагъ учин ччай бура ттухара мудан аякъа дуллалисса, социальный къуллугъ-ру бартбигъайсса райондалул центрданул (ЦСОН) социальный зузала Мадина Халиловахъ.

Мадина мудан ялув бавц1уну, ттул ялату ша къабувкъуну, дан багъаймур дакъасса, ххишалагу дуллай, на аякъалийн лав-сун бур.

Цимирагу шинни ттул, бизан къахъанай, шанийн багъну. Амма на хъинну рязийну, ххарину бура, жула х1лукматрал хъуниминнал укунсса идара зузи дурну, ЦСОН-далихъ каялушиву дуллалиманалгу укунсса социальный зузала зузи бувну, къашавайминнахъ къулагъасгу, аякъагу дуллалаврихлу. Ттухвагу, на кунмасса цайминнаху буруглагисса Мадинахъ барчаллагъ т1ий, ванихъ учинсса махъругума ляхълай бакъар. Мукун дак1 хъун дакъа лич1аннав ина, Мадинай, жун гъарца аьркинмунисса буллай. Вингу, вил махъминнангу ц1уллушиву дулуннав. Ина кунмасса социальный зузалт ч1яву баннав. Барчаллагъ вин хъунмасса!

ГУЛЬБЕРИЯТ БУТТАЕВА.

Ц1усса хаварду

## Пенсия ххи хъунт1иссар

Ц1ана страховой пенсиялул дянивсса лагру жула била-ятрай дур 13,2 азара къуруш. Пенсиярду 5,8 процентрал хъуни байхту, му лагру дянт1ий дур 13,7 азара къуруш-райн. Укун баян бувнини Аьрасатнал пенсиярттал фондрал.

РФ-лул зах1матрал ва социальный чулуха агъали буруччаврил министр Максим Топилиннул баян бувну бивк1сса куццуй, гъашину страховой пенсиярду хъуни бант1ий бур к1ийла: февраль-даний -5,4%-рал, апрельданийгу - ялагу 0,4%-рал (аьмну -5,8%-рал).

Социальный пособиерду февральданул 1-ния гихунмай мукун-ма хъуни бант1ий бур 5,4%-рал. Вай хъанахъиссар чернобыльцы-нан, ветерантуран, инвалидтуран, оьрч1ан булайсса пособиерду.

Цал арх1ал пенсионертуран дулунт1иссар т1ий бивк1сса 5000 къурушру миннач1ан утгинин дирунни.

## Лагру ч1яру хъанай дур

Дук1у ризкьилуя дуч1айсса продукция Дагъусттаннай аьмну хъунни 61, 274 миллиард къурушрансса.

Республикалий 2016 шинал декабрьданин хъуни ризкьилул аьмсса аьдад дия 1,28 миллион бак1, мюрш ризкьилул -5, 360 миллион бак1, лелуххантрал -8,366 миллион бак1.

Дуч1ан дурну дур 129 азара тонна ризкьилул ва лелуххантрал дик1ул, 843,5 азара тонна нак1лил, 243 миллион аьнак1ал кку-нуккирттал, 14,3 азара тонна ппалул.

Ц1анагу ч1яву хъанайна бур ризкь ва лелуххант. Амма, хасъ-сса къулагъас дуллай бур ми буч баврих.

## Хъунмур роль дургъуну - Марат Башаров

Московливсса «Крокус Сити Холдануву» ккаккан бант1ий бур исламрал иширттаясса пьеса «Бакъа хъусса васият-рал чагъар».

Муниву агъанмур роль дугълай ик1ант1ий ур машгъурсса актёр Марат Башаров. Гьуртту хъунт1ий бур мукунма Къумукънал ва Яруссаннал драмтеатрал актёрталгу.

Му пьеса ккаккан бант1ий бур Аьрасатнал ва Московуллал мусулмантурал рух1анийсса управлениерттал дурсса «Мавлид-ан -Наби» проектраву.

## Яла ххуйми ссузирдавух

Каспийскалийсса Энергетический колледж хъунни «Аьрасатнал яла ххуйми 100 суз» т1исса Шалагу Аьрасатнал конкурсрал лауреат.

Бахшишру, аьдатравун багъсса куццуй, дуллай бия Санкт -Петербурграй, профессиоанальный образованиелул дунияллул миллатирттал дянивсса форум бусса ч1умал. Колледжан дуллуни лайкъ хъусса бахшишру - «Европанал качество» т1исса мусийл медаль ва «дянивсса даражалул профессиональный образованиелул яла ххуйми 100 организация» т1исса конкурсрал лауреатнал диплом.

Ва образованиелул учреждениелул директор, профессор, РД-лул лайкъ хъусса изобретатель Аслан Хаппалаев лайкъ хъунни «Шинал директор -2016» т1исса х1урматсса лишандалун.

2017 шин - экология дуруччаврил шин

## Конференция хъунни

Т1абиат дуруччаврил шинац1ун дарх1усса давуртту дайдирухъунни райондалул школарттай. Вана, нанисса шинал февральданул 3-ний оьрч1ал творчестволул къатлуву дуккавил управлениелул сакин дунни райондалул школар-ттал лахъми классирттаву дуклаки оьрч1ашалсса экологи-ялул шинайн хасъсса конференция.



Мунин ц1а дия «экологические проблемы Дагестана глазами детей» т1исса. Конференциялул хъунмур мурад - дуклаки оьрч1ал ц1анасса ч1умуву т1абиатраву дусса зах1матши-вурттая бусаву, миннаву экологи-ялул культура вардиш даву, т1абиат дуруччин циняв бурж-лувну бушиву, къадуручларча циксса баларду биян най буссарив ч1алач1и баву ва м.ц.

Конференциялий гьуртту

хъун бувк1уна 13 школа, гьурт-ту къавхъунни Уриннал, Ч1урт-тациял, Ххюлусуннал школар-тту.

Хасъсса журилул хъхъич1 дуклаки оьрч1ал бувкунни экологи-ялул шинайн хасну х1адур бувсса докладру.

Миннах вич1идирхъуну журилул 1-мур клану буллуни Гъумучиял школалул дуклаки душ З.Х1асанован, 2-мур -Шав-к1уллал школалий 9 классраву

дуклакисса Мутазааьли Каква-евлун, 3-мургу - Хъурхърал школалий 11-мур классраву дук-лакисса Аминат Раджабован ва Къубиял школалул 10-мур клас-сраву дуклакисса Джамиля Ба-ратилован.

Мура конференциялий ххал бигълай бия «национальный юниорский водный курс» т1ис-

са докладругу.

Ва конкур-срай 1-мур клану бувгъ-унни Караш-рал школалий дуклакисса М а л и к а т Къурбановал. 2-мур клану - Къубиял шко-лалий 11-мур классраву дук-лакисса Мила-на Ярах1ма-довал ва Хъур-ттал школа-

лий 9 классраву дуклакисса Х1ажимурал Мах1аммадовлул 3-мур клану -Хъунайннал шко-лалий 8-мур классраву дукла-кисса Ххадиджа Х1ажимах1ам-мадовал ва Гъунч1укъат1рал школалий 10 классраву дукла-кисса Джамиля Ибрагъимовал.

З.Х1асановал ва М.Къурба-новал х1адур бувсса докладру гъан бувссар республикалул да-ражалийсса конкурсрайн.

(Жул корр.).

## АКЦИОНЕРНОЕ ОБЩЕСТВО «РОССИЙСКИЙ СЕЛЬСКОХОЗЯЙСТВЕННЫЙ БАНК» /АО «РОССЕЛЬХОЗБАНК»/ Пресс-релиз

### Россельхозбанк и Минсельхоз подписали соглашение о льготном кредитовании аграриев по ставке 5%

АО «Россельхозбанк» и Министерство сельского хозяйства Российской Федерации заключили соглашение о совместной реализации программы льготного кредитования предприятий АПК. В соответствии с новым порядком субсидирования в 2017 году компенсацию части процентной ставки по кредитам планируется предоставлять напрямую уполномоченным кредитным организациям, что позволит банкам выдавать аграриям займы по ставке не выше 5% годовых и существенно упростит процесс получения господдержки для аграриев.

Россельхозбанк стал первым из банков – участников программы, заключившим соответствующее соглашение с Минсельхозом России. В ближайшее время Банк будет готов выдать первые средства по новому порядку.

«Россельхозбанк последовательно поддерживал разработку и запуск данного механизма, неоднократно отмечая необходимость изменения ранее действующей процедуры. Мы считаем, что новый порядок, в той форме, в которой он реализован, позволит значительно повысить эффективность государственной поддержки, а, главное, избавить сельхозтоваропроизводителей от длительных процедур получения субсидии. Со своей стороны Банк, как ключевой кредитор АПК, завершает все необходимые процедуры для обеспечения бесперебойного и максимально оперативного финансирования аграриев с учетом их текущих потребностей», – подчеркнул Председатель Правления АО «Россельхозбанк» Дмитрий Патрушев.

АО «Россельхозбанк» – основа национальной кредитно-финансовой системы обслуживания агропромышленного комплекса России. Банк создан в 2000 году и сегодня является ключевым кредитором АПК страны, входит в число самых крупных и устойчивых банков страны по размеру активов и капитала, а также в число лидеров рейтинга надежности крупнейших российских банков. 100% голосующих акций Банка принадлежат Российской Федерации.

# Аьрщарал участокирттал ва кьатрал заллушиврул ихтиярданул документру баврил хIакъиравсса маслихIатру

Дагъусттан Республикалул хъхьичIунсса «Обеление экономики» проект шаллу дулла, гьартану дачин дурну дуссар аьрщарал участокирттал ва кьатрал заллушиврул ихтиярданул документру шаллу буллалисса давурт-ту. Амма, чIявуну юридический кIулшивуртту дакъашивру, законну кьакI-улшиврул ва ишираву дайшишурду хъанахьи дай. Ми ихтиярдал докумен-тру шаллу байсса куц лахъхьин баншиврул, хIадур бувну бур республика-лул МО-рдал ишла буллансса документру.

Аьрщарал участок машин ласаву - гьарца инсаннан аьркин хъун бюхъайс-са иш бур. Амма, чIявуминнан ва иши-ран аьркин шайсса кьараллу ва законну кьакIулли. Зун аьркинну бухурча аьр-щарал участок машин ласун, зу кIул бан аьркинссар, зунма аьркинсса кIанай мукунсса участок душиву. Муният, уча-сток дахлахманачIа мунил документру бурув ххал бан аьркинссар. Къулагъас дувара, му участокрал хIучарду циняв документирттай цава ца бурув - мукун бикIан аьркинссар. Участокрал хIуч-чарду цIана цукунсса бурув ххал бан бюхъайссар Росреестранул сайтрай.

Яла ххал дувара, му участокрал хIакъсса лагру документирттай ккаккан дурсаксса дурив, му дусса кIану када-стрданий ккаккан бувсса кIану бурув. Мунил лагругу, му дусса кIанугу ххал дан бюхъантIиссар геодезиялул давурт-ту дайсса специалистнал кумаграй.

Мукунма кIул бан аьркинссар, зува личIи дурсса участок цумур категория-лийн дагълай дурив шяраваллил хозья-стволул ягу шяраваллал аьрщарал.

Агар зун ччай бухурча машин ларсёсса

участокрай кьатри дан, ми дан бучIиссар:

-инсантурал канна кьатри дан ккак-кан дурсса аьрщарай;

-шяраваллал аьрщарал дазурдавун дагълагъисса участокирттай;

-дачарду дан ккаккан дурсса аьрща-рай;

-хъузала - фермернал хозьяйстволул аьрщарай бучIиссар фермер яхъананс-са кьатри дан.

Гьарзат багъайсса кьараллай душиву дакI дацIуну (тасттикъ хъуну), участок машин ласан икIайхту, **хъама мабита-ри му машин ласаврил - даххаврил кьутIи чичин**. КьутIи тIайлану чичин-шиврул, насияра зучIавасса МФЦ «Мои документылул» филиалданийн. За кIул-сса специалистурал зухъ бусинтIиссар цукунсса документру аьркинсарив ва чичинтIиссар зун аьркинсса кьутIи.

КIилчинмур щачIану - заллушиврул ихтиярданул документру шаллу баву.

Федерациялул законнал ккаккан дур-ну дур ми шаллу бансса цаппара кашир-ду. «О регистрации права собственнос-ти на недвижимое имущество» тIисса 122 ФЗ закондалин бувну, залуннан аьр-

кинссар межевание дан (дазурду ккаккан дан), аьрщарал участокрал документру шаллу бан, му участокрал заллушиврул ихтиярданул регистрация дан. Амма, межевание даншиврул, аьрщарал участокирттал ва кьатрал заллухъруннан ба-гъантIиссар харж буккан бан.

Мукун харж буккан бан кьабагъан-шиврул, ишла дан бюхъантIиссар бигъ-асса, харжру буккан бан кьабагъайсса ца-мур жура заллушиврул документру бан - «дачная амнистиялул» кумаграй.

Масъала, 93-ФЗ Закондалул даххана-шивуртту дурссар 122-ФЗ Закондалулу, хъхьичIра сияхIайн ларсун диркIсса аьрщарал участокирттан, межевание кьадурнура, заллушиврул ихтиярданул документру бан ихтияр дуллуну. Яни, му иширансса харж буккан бан кьабагъан-тIиссар. Заллушиврул ихтияр дулайсса ва жура дагъайссар анжагъ ГKN-дали (государственный кадастр недвижимо-сти) хIучарду бусса, кадастрданул но-мерду, лагру, багъа ккаккан бувсса, амма ихтиярданул заллу цу уссарив ккаккан кьаувсса аьрщарал участокирттайн.

Дуссар мукунсса аьрщарал участо-кирттал заллушиврул ихтияр ласун, ре-гистрация дайсса органнайн булун аьр-кинсса документирттал сияхI. Мукунс-са документру хъанахъиссар: заллушив-рул ихтиярданул паччахIлугърал регис-трация дансса аьрза, паччахIлугърал по-шлина дуллусса документ (350-лаксса кьуруш), инсан цу уссарив чивчусса до-кумент (инсаннал вакилнан - мунахъхъ-ун дуллусса ихтиярду тасттикъ дуллалис-са, нотариуснал цIакъ дурсса доверен-ность), инсаннахъхъун аьрщарал учас-токрал заллушиву дан ихтияр дуллүшив-рул паччахIлугърал регистрация дансса гъану хъанахъисса документ. Ва махъа - махъ ккаккан бувсса документравун дух-

хайссар инсаннахъхъун му аьрщарал участок дуллүшиврул акт, паччахIлугъ-рал влаьтрал органдалул ягу, цийнма багъайсса биялалый ва низамрай кIант-тул самоуправлениелул органдалул чир-чусса. Му бияла ва низам ккаккан дурну дикIан аьркинссар акт чичайни ишла хъанахъисса законнай. Ягу мунивул дух-хайссар акт чичлачисса чIумал ишла хъанахъисса законнай ккаккан дурсса низамрай му даву дан тапшур бувсса пач-чахIлугърал влаьтрал органдалул дул-лусса, инсаннахъ му аьрщарал участо-рал ихтияр душиву тасттикъ буллалисса акт. Ягу мунивул духхайссар кIанттул самоуправлениелул органдалул дулайс-са, похозяйственный луттирая ларсёсса, инсаннахъ аьрщарал участокрал ихтияр душиврул выписка (агар участок мунахъ-хъун дуллун духхурча цала подсобный хозяйства дачин дуллун). Мукунма, му-кунсса документ хъун бюхъайссар ин-саннахъ аьрщарал участокрал ихтияр ду-шиву ккаккан бувсса ягу тасттикъ бул-лалисса ччимур цамур документ.

Му ишираву чарабакъа хIисавравун ласун аьркинссар, му документрай дик-Iан аьркиншиву аьрщарал участок учёт-рай дишиншиврул аьркинсса циняр рек-везитру (хIучарду). БувчIинну учирча, ца документну хъун бюхъайссар МО-рал администрациялул бувсса аьрщарал уча-сток дуллусса хIукму ягу оьрмулухун му ирсирай дуллансса свидетельство, ягу шяраваллавусса похозяйственный лутти-раясса выписка.

Дагъусттан Республикалийсса гьар-ца муниципал сакиншиннардай регис-трация дурсса заллушиврул ихтиярдал аьдадрал хIучарду гьарца зуруй бищай-ссар РД-лул Минэкономикалул сайтрай «**Приоритетные проекты развития**» тIисса бутIлуву.

## Образование

# Жула таварих, маданият абадул дулла

Январьданул ахирданий Гъумучиял школалий ца хъинну агъамсса, сий шинну лаглагиссаксса ларай хъанахъисса даву хъунни. Микку тIивтIунни учитель-турал ва дуклаки оьрчIал, школалул зузалтрал хIара-чатрайну бувсса, традициярдал ва маданиятрал центр, кутIану учирча - таварихрал музей.



Шивун цачIун дурну дур 50-хъул экспонату. ЧIяруми-гу жула тарих, халкъуннал багъу-бизу, лахху-лику, ишла дул-лай бивкIсса янна-ус, ичIаллил манкъулат чIалачIи дулла-лисса. Музей ялу-ялун авадан хъуншиврийнсса шак личI-лай бакъар, цанчирча ва чIявучи хIала бувххун дайсса даву дунутIий.

ДакIнин бутарча, 1967 шиналгу вава школалий сакин хъуссия хъинну авадансса, чIярусса экспонату дирхъусса музей. му тири-хири хъуна. ЦIанамунил оьрму абадулсса хъунсса умуд бур.

Музей тIитIаврил кьини школалий хъинну шадсса, дук-лаки оьрчIру ххуйну хIадур хъусса дия. Кьини хъун дан був-

кIун бия райондалул жаваблусса къуллугъчитал, гьира буми.

Музей тIитIавришчал барча буллалисса цала ихтилат-раву школалул директор **Ххадиджат Шамиловнал** кIицI бувна музей цукун сакин хъуссарив, шил кумагру бувс-сарив, барчаллагъ увкуна чIарав бавцIунайн, бувчIин бувна музей балгаврил, бачин баврил давуртту тихуннай ххуй дантIишиву.

Ихтилат бувсса УО-рал хъунама **Явсуна ХIамзаевлул**, «Ххяхха-баргъ» кказитрал хъунама редактор **М.Мусалаевлул**, райондалул депу-татътурал собраниелул председатель **Шяпи Щурпаевлул**, магьирлугърал школалул директор **МахIаммад Хъунбуттаевлул** ва мяна ларайсса, чара бакъа аьркинсса, тарбиялул, культуралул кюруну хъанахъисса даву давришчал шала школалул коллектив барча бавришчал, бувсуна цуксса хъун-насса агъамшиву дуссарив музейрал, миву дирхъусса затирттая шайсса асарданул, инсаннайн бияйсса бияла-лул ва м.ц.

Школалул директорнал замести-тель Зухра Кьурбановал биялдаралу ххуйну хIадур дурну дия музей тIитIаврин хас дурсса дуклаки оьрчIашалсса дялахъру. Гьарца ихтилат бувма-нал хъирив ккаккан байва оьрчIал балайрдал ва кьавтI-авурттал гъунард.

Хъирив музейрал кьапулий дархIусса ятIул лиссуХ-х.ХIусниевал ва Я.ХIамзаевлул кьуркуну циняв экспо-натиртгачIан бияйхту, миннуй цай-ва-цайва бавцIуну гьарцаннуа бувсуна школалий лакку мазрал дарсру дихъ-лахъисса **Роза Бавасулаймановал**. ОьрчIал гьирай вичIи дирхъунни канна хъхьичIарасса кьай-кьуй хал хъа-най, миннул мяна дурчIлан диркIукун.

**М.Штанчаев.**

## Конкурс

# Яла ххуйну шеърирду бувккуми

Январьданул 30-ний райондалул дуккавил управлениелул сипталийну школарттай дуклаки оьрчIашал дунни хъинну сий дусса даву. Гъумуксса культуралул хъункъатлуву най дия Дагъусттаннал, лакрал шяэртурал чивчусса шеърирду яла бюхханну, тIайлану лакку мазрай шил буккай-рив ххал буллалисса конкурс.

Конкурсрай гьуртту хъун бувкIуна район-далул гьарца школарттаясса дуклаки оьрчIру.

Конкурс най дия 7-9-ми классирттаву ва 11-ми классирттаву дуклакиминнал даяив.

Цуманал гъунар ци даражалул бурув кIул баншиврул сакин бувну бия хасёсса жюри. Мивун бухлай бия УНО-рал методист Аси-ят ХIажиева, Диана Къажлаева, Эльмира ТIагьирова, оьрчIал творчестволул кьатлул методист ПатIимат Рамазанова.

7-9-ми классирттал даяив ЧIуртташи-ял школалул дуклаки оьрчI ХIажиевлул 1-мур кIану бувгъушиву тасттикъ бувна жо-рилул, 2-мур кIану буллауна Карашрал шко-лалый дуклаки оьрчI Кьурбановлун, ша-мулчинмургу -ШавкIуллал школалий дук-лаки оьрчI Кавкаевлун.

11-ми классирттал даяив хъхьичIун ливчуна Къубиял школалий дуклаки душ Сагидова, 2-мур кIану -Гъумучиял школа-лун (ХIажиев), шамулчинмургу Щардал школалун (Исмаилова).

Муниципал даражалул конкурсрай ххув хъуми 2017 шинал февральданул 20-ний гьуртту хъун гъантIиссар республикалул даражалийсса конкурсрай. Ва даврил ялув бацIан буржлувну бур УО-рал методист Эльмира ТIагьирова.

**М.Штанчаев.**

Учредитель:  
Администрация  
МО «Лакский  
район».  
Учредитель:  
«Лакрал район»  
МОлул  
администрация

Главный редактор  
**М. М. Мусалаев**  
Ответственный  
секретарь  
**К. М. Курбанов**  
Корреспондент  
**Къ-И. Амиров**

Опер. комп. набора  
**Р. И. Джалаева**  
Тех. редактор  
**А. М-Р. Абакаров**

Адрес редакции  
**368360**  
**Республика**  
**Дагестан**  
**Лакский район**  
**с. Кумух**

Газета набрана  
и сверстана на компью-  
терной базе редакции  
газеты «Заря» и  
отпечата-  
на в ГАУРД «Издатель-  
ский дом» «Дагестан»  
Адрес:  
г. Махачкала  
Пр. Насрутдинова, 61.

Срок подписания  
в печать 17.00  
Подписано в 16.00

Газета выходит  
в неделю 1 раз.  
Тираж 807 экз.  
Цена 2 руб.

Газета зарегистриро-  
вана Региональным  
управлением регист-  
рации и контроля за  
соблюдением законо-  
дательства РФ о СМИ  
и печати в РД Гос-  
комитета РФ по пе-  
чати.  
Регистрационный ПИ  
**№ 104561.**  
Позиция редакции  
может не совпадать  
с точкой зрения ав-  
торов, которые несут  
ответственность за  
достоверность о объ-  
ективность представ-  
ленных для публика-  
ции материалов.

## Образование

# Детсaдpаву ПДД лaхьхьин дуллай

РД-лул образованиелул ва элмурдал Министерстволул амру бартбигълай, январьданул 31-ний Гъумуксса «Баргъ» тIисса детсaдpаву хьунни «Чани занабитай затрахлу - ххю-ва» тIисса акция.

Детсaдpавура ххуллурдайх заназаврил низам лахьхьин даву - му оьрмулува чара бакъа аьркин хьунтIисса иш бур. Муния-ту, ПДД-лун хас дурсса давурт-ту, хьунабакъавуртту ми учреж-дениерттай дуллалаву хьинну аьркинсса масъала хъанай бур. Детсaдpаву оьрчIан лахьхьин аьркинссар ххуллурдайх бачав-рил агъамми ккакканбавуртту, агъамми низамру.

Мунин бувну, «Баргъ» детсaдpаву дурсса акциялул мяъна дия -балугъравун къабувхсса ххуллулссаннашал маркIаIан чIумал, хьхьуниву ДТП-рду къахъанансса кIулшивуртту ду-лаву, миннан фликерду (багъс-са чани, цIай-цIай тIий, чIалачIи бай затру) ва цайми чани чIалачIи бай затру ишла дуллан

киншиву, миннуя мюнпат буши-ву буслай.

Детсaдpаву дурсса акция-лийн оьвкуну бия Лакрал рай-

Тарбиячи **Залихха Акаевал** ва хьунабакъаврийн хIадур був-ну бия нитти-буттансса хIуч-чардал буклет «Кумаг байсса чани», мукунна дурну дия фли-керду (багъсса чаннай цIай тIун дикIайсса затру).

Мукунна шикку дия ихтилат-



лахьхьин баву, машинарду бачин буллалиминнал ххуллур-дайх инсантал лахъайсса кIан-турдай низам зия къадулланс-са чаранну ккаккан баву.

Мукунсса профилактикалул даву сакин дурну дия циняв группардал тарбиячитурал,

«Чани чIалачIи буллалу! Ххул-лий хIисав хьунсса куццуй икIу!» тIисса цIанилу. Ва иши-раву миннал ихтилатру бувна оьрчIашал ва миннал нитти-бутташал, шусса чани, цIай-цIай тIутIи бувну чIалачIи байсса затру ишла дуллан аьр-

ондалийсса ОГИБДД-лул зуза-ла **Наби АьвдурахIимовлуйн**. Ванал ихтилат бувни ДТП-рду хьун къадитаншиврул, ххуйсса чани бакъасса чIумал оьрчIал-гу, нитти-бутталгу багъсса чан-най цIай-цIай тIун дикIайсса затру ишла даврия.

*М.Штанчаев.*

## ХьхьичIунну дуклай бур

**Карашрал школалий дуклай бур МалихIат Къурбанова. Дуккавриву ванил цуппа гьарца чулуха хьинну ххуйну чIалачIи буллай бур.**

Шиная шинайн ва гьуртту хъанай бур райондалул олим-пиадартай, бугъай хьхьичIун-сса кIанттурду. Гъашинугу ва гьуртту хьунни Дагъусттаннал таварихрал олимпиадалий. Му олимпиада хьунни январьда-нул 29-ний. Муний 77 балл лавсун, ванил бувгъунни 1-мур кIану.

ЦIана ва бур цила учитель Эмир ХанмахIаммадовлушал республикалул олимпиада-лийн хIадур хъанай. Хьул бив-хьуну буру, ванил миккугу ххуйсса кIулшивуртту ккаккан даншиврийн.

Январьданул 30-ний хьусса дагъусттаннал чичултрал лак-

ку мазрай чирчусса назмурду дуккаврил райондалул конкур-срай ванил бувгъуна 3-мур кIану. Ва конкурсрайн МалихIат хIадур бувна лакку мазрал дарс дишайсса учитель С.Гъа-залиевал.

Хьирив, февральданул 3-ний хьуна экологиялул конфе-ренция «Дагъусттаннайсса экологиялул масъаларду оьрчIал яруннах» тIисса. Мунийн М.Къурбановал хIадур бувна доклад - «Щин - оьрмулул ва энергиялул щараши». Муний ванил бувсун бия Карашрал къуллардая ва щарашая, мин-нул щиная цIуллушиврун шай-сса хайрдания ва ми чапал хьун

къадитаврия. му док-ладран аьркинсса хIуччарду ва-нил бавтIуна, Карашавсса бугъарачувту-рахь, цайми инсантурахь цIухлай. Му-кун бувсса зах-Iматрал ва хха-ри бувна, док-ладран конфе-ренциялий 1-мур кIану бул-луну. Му

до к -

лад хIадур бан ванин ку-маг бувна биологиялул учитель Л.ХIасано-вал. Доклад гъан бувссар респуб-ликалул олим-пиадалийнгу. ЧIа учинну ги-лугу ванин тIайлабацIу шаву.

*Э.Ханма-хIаммадов, Карашрал школалул дирек-тор.*

